

Powšitkowne WOZJEWJENJA

njedźelu, 3. nowembra 2013

Hudźbny nyšpor w Radworju

Italski muski chór COHERE wuhotuje sobotu, 9. nowembra, we 18 hodź. hudźbny nyšpor w Radworskej cyrkwi. Chórowy nawoda Pier Guiseppe Brambilla je ze swojim tehdyšim Praskim chórom kaž tež ze skupinku italskich spēwarjow hižo dwójce Božu mšu w Radworju wobrubili. Wšitcy zajimcy su na tutu hudźbnu chłóšćenku wutrobnje přeprošeni. Zastup so njezběra, ale prosy so wo dar do korbika při durjach.

Zhromadny dzeń za přenjowoprawjenske džěci

Dekanatne dušepastyrstwo přeprošuje wšitke džěci, kotrež so na přenje swjate woprawjenje přihotuja, na zhromadny dzeń pod hesłom „Cool kadla – fecich holca“ srjedu, 20. nowembra, wot 9.00 do 15.00 hodź. do Njebjelčic. Započatk je z Božej mšu w cyrkwi. Zajimcy njech so prošu hač do srjedy, 13. nowembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja tři eura.

Klankodźiwadło a Boža mša w Drježdźanach

Serbja, jich při wuzni a přečeljo su wutrobnje přeprošeni na Božu mšu njedźelu, 10. nowembra, w 17 hodź. do cyrkwe swjateho Antonija w Drježdźanach, Bünauska 10. Božu mšu swjeći z nami farar Gabriš Nawka. Hižo w 16 hodź. předstaji Budyske Němsko-Serbske ludowe džiwadło we wosadnicy na tamnišej farje klankodźiwadłowu hru „Cowboy Tom abo dyrdomdej ze zaka“. Wosebje serbske swójby z džěcimi su wutrobnje přeprošeni.

Marjana Bubnerjec

Kniha ze starymi pohladnicy z katolskich Serbow tele dny wuńdze

Nowa kniha ze starymi pohladnicami tele dny w Budyskim Ludowym nakładnistwje Domowina wuńdze. Ewangelski farar na wuměnkcu Norbert Rauer z Podstupima je rjad něhdže sto lět starych pohladnicow předewšěm z kónčiny katolskich Serbow nakładnistwu k přewostajili. Ale tež hromadzerjo tajkich kartow z Łužicy – Pětr Lipič ze Swinjarnje, Beno Mikławšk ze Serbskich Pazlic, Gerhard Schmeling ze Šunowa, Jurij Łušćanski z Budyšina, Daniel Zieschank z Hodźija a Budyski Serbski muzej – su dalše k tomu přinošowali. Tuž bě móžno, tute stare dopomnjenki za kóždu něčičišu wosadu, ale tež za Róžant, klóšter Marijinu Hwězdu, Zdžěr a Worklecy runje tak kaž pohladnicy z družkami a křižerjemi podač. W knize předstajeja so cyrkwe a zjawne twarjenja, kotrež mějachu adresatam pohladnicow bytostny začišć wo žiwjenju w tutej kónčinje skićić. Wobrazy wobrubja teksty Rafaela Ledźborja, kotryž tež z pomocu žórłow tuteje doby poměry jednotliwych serbskich wosadow rysuje. Norbert Rauer podawa dohlad do džěławosće nakładnistwow, kotrež póstowe karty wudawachu. Kniha płaći 12,90 eurow, ISBN 978-3-7420-2250-9, a je wšudže tam na předań, hdžež so serbske knihi poskićuja.

KP